

JAMHURI YA MUUNGANO WA TANZANIA

BUNGE LA TANZANIA



10 FEBRUARI, 2021



# ORODHA YA SHUGHULI ZA LEO

## MKUTANO WA PILI

KIKAO CHA SABA – TAREHE 10 FEBRUARI, 2021

I. DUA:

II. HATI ZA KUWASILISHA MEZANI:

**WAZIRI WA FEDHA NA MIPANGO:**

Taarifa ya Mwaka ya Benki Kuu ya Tanzania kwa Mwaka 2019/2020 (*The Annual Report of Bank of Tanzania for the year 2019/2020*).

Muhtasari wa Tamko la Sera ya Fedha Mapitio ya Nusu Mwaka, 2020/2021 (*Monitory Policy Statement: The Mid-Year Review 2020/2021*).

III. MASWALI:

**OFISI YA RAIS (TAMISEMI):**

**88. MHESHIMIWA JAFARI WAMBURA CHEGE (RORYA):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini Serikali itaanza ujenzi wa Daraja la Mto Mori; kwani Mto huo umekuwa ukisomba Watu na kusababisha vifo kwa Wananchi wanaofuata huduma upande wa pili.

**89. MHESHIMIWA ASIA ABDULKARIM HALAMGA (VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni Halmashauri ngapi nchini zimetekeleza kwa asilimia 100 Sheria ya utoaji mikopo asilimia 10 ya makusanyo ya ndani kwa makundi ya Vijana, Akina Mama na Watu wenye mahitaji maalum.

**90. MHESHIMIWA SILVESTRY FRANCIS KOKA (KIBAHA MJINI):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Miundombinu ya maji katika Shirika la Elimu Kibaha ilijengwa miaka 50 iliyopita kwa kutumia mabomba ya asbestos ambayo siyo rafiki kwa afya ya binadamu; lakini pia ni chakavu sana:-

- (a) Je, ni lini Serikali itatatua changamoto ya maji katika Shirika hilo.
- (b) Je, ni lini Serikali itakarabati majengo ya Chuo cha FDC katika Shirika hilo.

**91. MHESHIMIWA DKT. DAVID MATHAYO DAVID  
(SAME MASHARIKI):**

Atamuuliza Mheshimiwa Waziri wa Nchi, Ofisi ya Rais (TAMISEMI):-

Je, ni lini utekelezaji wa ahadi ya Rais wa Awamu ya Nne ya kujenga Daraja la Mto Pangani mpakani mwa Wilaya za Same na Simanjiro utaanza.

**WIZARA YA MAWASILIANO NA TEKNOLOJIA YA HABARI:**

**92. MHESHIMIWA FLATEI GREGORY MASSAY  
(MBULU VIJIJINI):**

Atamuuliza Mheshimiwa Waziri wa Mawasiliano na Teknolojia ya Habari:-

Je, ni lini minara ya simu itajengwa katika Kata za Endahagichen – Ndamilay, Mewadan – Magong na Endaghadat – Qamtananat katika Jimbo la Mbulu Vijijini ambazo hazina mawasiliano ya simu.

**WIZARA YA VIWANDA NA BIASHARA:**

**93. MHESHIMIWA TUNZA ISSA MALAPO (VITI MAALUM):**

Atamuuliza Mheshimiwa Waziri wa Viwanda na Biashara:-


Je, ni lini Serikali itafufua viwanda vyote vya kubangua Korosho vilivyopo Manispaa ya Mtwara Mikindani.

### **WIZARA YA ULINZI NA JESHI LA KUJENGA TAIFA:**

#### **94. MHESHIMIWA AUGUSTINE VUMA HOLLE (KASULU VIJIJINI):**

Atamuuliza Mheshimiwa Waziri wa Ulinzi na Jeshi la Kujenga Taifa:-

Je, Serikali ina mkakati gani wa kutatua mgogoro wa ardhi kati ya Kijiji cha Mgombe na Kambi ya Jeshi Mtabila.



### **WIZARA YA NISHATI:**

#### **95. MHESHIMIWA ALOYCE JOHN KAMAMBA (BUYUNGU):**

Atamuuliza Mheshimiwa Waziri wa Nishati:-

- (a) Je, ni kwa nini baadhi ya Vijiji vya Wilaya ya Kakonko havijapata umeme;
- (b) Je, ni lini sasa Vijiji hivyo vitapata umeme.

## **WIZARA YA KILIMO:**

### **96. MHESHIMIWA SOPHIA HEBRON MWAKAGENDA (VITI MAALUM):**

Atamuuliza Mheshimiwa Waziri wa Kilimo:- Serikali imezuia Kampuni binafsi kununua Kokoa katika Wilaya za Kyela na Rungwe kwa msimu huu na Vyama vya Ushirika havina uwezo wa kununua Kokoa hizo kwa Wananchi:-

Je, ni lini Serikali itaruhusu tena Kampuni binafsi kuendelea kununua Kokoa.

### **97. MHESHIMIWA ALLY ANYIGULILE MLAGHILA (KYELA):**

Atamuuliza Mheshimiwa Waziri wa Kilimo:- Mfumo wa stakabadhi ghalani kwa zao la Kokoa haujamnufaisha Mkulima:-

Je, ni lini sasa mfumo huo utabatilishwa ili kukidhi lengo la Ushirika.

## **WIZARA YA UJENZI NA UCHUKUZI:**

### **98. MHESHIMIWA RASHID ABDALLAH SHANGAZI (MLALO):**

Atamuuliza Mheshimiwa Waziri wa Ujenzi na Uchukuzi:-

Je, ni lini ahadi ya Serikali ya kujenga kwa kiwango cha lami barabara ya kutoka Lushoto – Muyanta hadi Mlalo itaanza kutekelezwa.

### **WIZARA YA AFYA, MAENDELEO YA JAMII, JINSIA, WAZEE NA WATOTO:**

#### **99. MHESHIMIWA MWANTUM MZAMILI ZODO (VITI MAALUM):**

Atamuuliza Mheshimiwa Waziri wa Afya, Maendeleo ya Jamii, Jinsia, Wazee na Watoto:-

Je, Serikali ina mpango gani wa kukabiliana na upungufu wa Watumishi wapatao 16,000 kwenye Sekta ya Afya nchini.

### **WIZARA YA MAJI:**

#### **100. MHESHIMIWA ANTON ALBERT MWANTONA (RUNGWE):**

Atamuuliza Mheshimiwa Waziri wa Maji:- Serikali ilifanya upembuzi yakinifu na kubaini kuwa jumla ya shilingi Bilion 21 zinahitajika ili kukarabati miundombinu ya maji Mji wa Tukuyu:-

Je, ni lini Serikali itatenga fedha na kuanza ukarabati wa miundombinu hiyo.

**101. MHESHIMIWA ENG. EZRA JOHN CHIWELESA (BIHARAMULO MAGHARIBI):**

Atamuuliza Mheshimiwa Waziri wa Maji:-

Je, ni lini Serikali itaanza ujenzi wa mradi wa kutoa maji toka Ziwa Victoria kuyapeleka Biharamulo kama Mhe. Rais alivyoahidi tarehe 16/09/2020 alipokuwa Biharamulo katika Kampeni za Uchaguzi Mkuu wa Mwaka 2020.

**102. MHESHIMIWA MARGARET SIMWANZA SITTA (URAMBO):**

Atamuuliza Mheshimiwa Waziri wa Maji:- Serikali iliahidi kufikisha Urambo Maji ya Ziwa Victoria na kwa sasa yameshafika Tabora:-

- (a) Je, ni hatua zipi zimechukuliwa katika kutekeleza azma hiyo;
- (b) Je, ni kiasi gani cha fedha kimetengwa katika mwaka huu wa fedha, na ni lini maji yatafika Urambo.

**IV. HOJA ZA SERIKALI:**

**WAZIRI WA FEDHA NA MIPANGO:**

Kwamba, Bunge sasa lipokee, kujadili na kushauri kuhusu Mapendelezo ya Mpango wa Tatu wa Maendeleo wa Taifa wa Miaka Mitano (2021/22 –

2025/26) na Mapendekezo ya Mpango wa Maendeleo wa Mwaka 2021/22 pamoja na Mapendekezo ya Mwongozo wa Maandalizi ya Mpango na Bajeti ya Serikali kwa Mwaka 2021/22.

*(Majadiliano yanaendelea)*

DODOMA  
10 FEBRUARI, 2021

S. KAGAIGAI  
KATIBU WA BUNGE